



**REPUBLIC OF SOUTH AFRICA
GOVERNMENT EMPLOYEES PENSION FUND**

1 Setemere 2011

Moamogedi wa phenšene yo a hlomphegago,

**Tšhomišo ya peakanyo ya Netefatšo ya Bophelo ya Maitirišo [Auto-Life Verification] (ALV) legatong
Disetifikeiti tša Bophelo go tloga ka 1 Oktoboro 2011**

Lekgotla la Bahlapetši ba Sekhwama sa Diphenšene tša Bašomi ba Mmušo [Government Employees Pension Fund] (GEPF) le saenetše go šomišwa ga tsela ya mpshafatšo ya maitirišo ya seemo sa bophelo legatong la go ntšhwa ga Disetifikeiti tša Bophelo ka tsela ya manyuale go baamogedi ba phenšene bao ba dulago ka Afrika Borwa go tloga ka 1 Oktoboro 2011. Se se sepelelana le ponelopele ya GEPF ya go netefatša kabo ya dikholego ka nako le ka tshwanelo.

Peakanyo ye e mpsha e tla bitšwa Netefatšo ya Bophelo ya Maitirišo [Auto-Life Verification] gomme e tla kgonthiša seemo sa bophelo sa moamogedi wa phenšene ka tšhomišano le Kgoro ya Merero ya Legae ya Afrika Borwa [Department of Home Affairs] (DHA). Baamogedi ba phenšene bao ba nago le pukwana ya boitsebišo ya makgonthe ya Afrika Borwa le gona ba dula ka nageng ya Afrika Borwa go-ya-go-ile ba ka se sa amogela Setifikeiti sa Bophelo go tšwa go GEPF. Se se šupa gore baamogedi ba phenšene ba ka se sa gapeletšega go etela Moeniši go hlatsela seemo sa bona sa bophelo gore ba tšwele pele go amogela letseno la bona la kgwedi ka kgwedi.

Baamogedi ba phenšene bao ba dulago ka ntle ga mellwane ya Afrika Borwa, gammogo le bao seemo sa bona se ka se netefatšwego le Kgoro ya Merero ya Legae ba tla amogela fomo ye mpsha ya Netefatšo ya Bophelo ya mohuta wa pampiri ye e swanetšego go tlatšwa le go hlatselwa ke Moeniši go ya ka tshapedišo ya Setifikeiti sa Bophelo ya bjale. Baamogedi ba phenšene/letseno ka moka bao ba hwetšago fomo ya Netefatšo ya Bophelo ba tla amogela fomo e tee fela ka ngwaga, go sa lebelelwe palo ya dikholego tše ba di amogelago.

Disetifikeiti tša Bophelo ka moka tše di ntšhitšwego le go amogelwa ke baamogedi ba diphenšene pele ga 1 Oktoboro 2011 (pele ga go hlagišwa ga peakanyo ye mpsha ya ALV) di swanetše go tšwela pele go bušetšwa go GEPF go amogelwa le go tšwela pele ka ditefo tša letseno pele ga tšatšikgwedi ye e laeditšwego go Setifikeiti sefe le sefe sa Bophelo. Go palelwa ke go dira bjalo go ka hlola gore ditefo tša letseno di fegwe.

Go hwetša tshedimošo efe goba efe, le ka letšetša mogala wa go se lefelwe wa Lekala la Tshedimošo wa GEPF mo go 0800 117 669 goba go etela ofisi ya GEPF ya kgauswiuswi le lena.

Wa lena,

Phineas Tjie
Mohlankedikhuduthamaga (CEO)
Government Pensions Administration Agency (GPAA)
(Lekala le le laolago diphešene legatong la GEPF)